



SLUŽBENE NOVINE KANTONA SARAJEVO

Godina XXI – Broj 16

Četvrtak, 27. aprila 2017. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 11.-14. i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 13.04.2017. godine, donijela je

ZAKON

O IZMJENAMA I DOPUNAMA ZAKONA O JAVNO-PRIVATNOM PARTNERSTVU

Član 1.

(Izmjena člana 5.)

- (1) U Zakonu o javno-privatnom partnerstvu ("Službene novine Kantona Sarajevo", broj 27/11) u članu 5. u alineji i) riječi: "javne nabavke" briše se.
- (2) U članu 5. alineja j) briše se.
- (3) U članu 5. alineja k) postaje alineja j).

Član 2.

(Izmjena člana 17.)

Član 17. mijenja se i glasi:

"Član 17.

(Postupak izbora privatnog partnera i postupak izbora konsultanta)

- (1) Vlada će uredbom propisati kriterije i postupak izbora privatnog partnera i postupak izbora konsultanta. Postupak izbora privatnog partnera i postupak izbora konsultanta provodi se putem javnog poziva.
- (2) Uredbu iz stava (1) ovog člana Vlada će, na prijedlog Ministarstva privrede, donijeti u roku od 30 dana od dana stupanja na snagu ovog zakona."

Član 3.

(Izmjene i dopune člana 18.)

- (1) U članu 18. u stavu (1) iza riječi: "kao i" dodaju se riječi: "mišljenje nadležnog pravobranilaštva i".
- (2) U stavu (4) iza riječi "Vlade" dodaju se riječi: "uz prethodnu saglasnost Skupštine Kantona Sarajevo", a iza riječi "načelnika" riječi: "i saglasnosti" zamjenjuju se riječima: "uz prethodnu saglasnost".

Član 4.

(Brisanje člana 19.)

Član 19. briše se.

Član 5.

(Izmjena člana 23.)

U članu 23. stav (2) mijenja se i glasi:

- "(2) Komisija se sastoji od sedam članova koje imenuje Vlada kao stalne članove Komisije, a jednog člana imenuje javni partner. Članove Komisije koje imenuje Vlada čine: predstavnik Ministarstva privrede, predstavnik Ministarstva prostornog uređenja, građenja i zaštite okoliša, predstavnik Ministarstva zdravstva, predstavnik Ministarstva za obrazovanje, nauku i mlade, predstavnik Ministarstva saobraćaja, predstavnik Ministarstva komunalne privrede i infrastrukture, a koji imaju status državnih službenika u tim ministarstvima i jedan član ispred akademske zajednice. Ukoliko je predstavnik javnog partnera iz okvira nadležnosti navedenih ministarstava, promjenljivi član se bira iz reda istaknutih stručnjaka iz te oblasti, na prijedlog resornog ministra. Za svaki projekat javni partner imenuje svog predstavnika kao promjenljivog člana Komisije."

Član 6.

(Izmjene člana 26.)

- (1) U članu 26. stav (1) mijenja se i glasi:

"(1) Komisija donosi Poslovnik o radu kojim se bliže uređuje način rada Komisije."

- (2) U stavu (2) riječ "Predsjednik" mijenja se riječju "Predsjedavajući".
- (3) U stavu (3) riječ "predsjednik" mijenja se riječju "predsjedavajući".

Član 7.

(Izmjena člana 28.)

Član 28. mijenja se i glasi:

"Član 28.

(Pravna zaštita u postupku izbora privatnog partnera i postupku izbora konsultanta)

- (1) Protiv odluke o izboru privatnog partnera i odluke o izboru konsultanta može se izjaviti žalba Vladi Kantona Sarajevo, u roku od 15 dana od dana prijema odluke.
- (2) Gradsko vijeće, odnosno općinsko vijeće će svojim aktima osigurati dvostепенost postupka na nivou jedinica lokalne samouprave.
- (3) Odluka po žalbi iz stava (1) ovog člana je konačna."

Član 8.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-15388/17
13. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo" - Prečišćen tekst broj 2/10), Skupština Kantona Sarajevo, na sjednici održanoj dana 10.04.2017. godine, donijela je

ODLUKU

**O VERIFIKACIJI ODLUKE O PROGLAŠENJU
POČASNOG GRAĐANINA KANTONA SARAJEVO**

I

Skupština Kantona Sarajevo verifikuje Odluku o proglašenju Počasnog građanina Kantona Sarajevo, gosp. Paul David Hewson.

II

Odluka o proglašenju Počasnog građanina Kantona Sarajevo, donesena je za izuzetan doprinos u pružanju podrške građanima Kantona Sarajevo tokom opsade Sarajeva, kao i za doprinos u borbi za ljudska prava i slobode na načelima humanosti, solidarnosti, demokratičnosti među ljudima različite nacije, vjere i kulture.

III

Ova odluka objavit će se u "Službenim novinama Kantona Sarajevo".

Broj 01-05-14801/17
10. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo" - Prečišćen tekst broj 2/10), Skupština Kantona Sarajevo, na sjednici održanoj dana 10.04.2017. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo gosp. Bogiću Bogićeviću, kao priznanje za hrabrost i odlučnost u historijskim trenucima države Bosne i Hercegovine na putu ka njenoj nezavisnosti, kao i za njegovu kontinuiranu borbu u izgradnji i opstojnosti bosanskohercegovačkih vrijednosti.

II

Ova odluka objavit će se u "Službenim novinama Kantona Sarajevo".

Broj 01-05-14802/17
10. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo" - Prečišćen tekst broj 2/10), Skupština Kantona Sarajevo, na sjednici održanoj dana 10.04.2017. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo gosp. Rasimu Bajroviću, kao priznanje za izuzetan doprinos u oblasti poduzetništva, privrednog i turističkog razvoja, a koji su značajno uticali da se Kanton Sarajevo i Bosna i Hercegovina vrata na mapu najpoželjnijih turističkih destinacija.

II

Ova odluka objavit će se u "Službenim novinama Kantona Sarajevo".

Broj 01-05-14803/17
10. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo" - Prečišćen tekst broj 2/10), Skupština Kantona Sarajevo, na sjednici održanoj dana 10.04.2017. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo gosp. Esadu Arnautliću, posthumno, kao priznanje za izuzetan doprinos u kreiranju i očuvanju autorskog stvaralaštva zabavno-muzičke scene, te ukupnoj afirmaciji kulturno - umjetničke produkcije na području Kantona Sarajevo i države Bosne i Hercegovine.

II

Ova odluka objavit će se u "Službenim novinama Kantona Sarajevo".

Broj 01-05-14804/17
10. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 6. Zakona o javnim priznanjima Kantona Sarajevo ("Službene novine Kantona Sarajevo" - Prečišćen tekst broj 2/10), Skupština Kantona Sarajevo, na sjednici održanoj dana 10.04.2017. godine, donijela je

ODLUKU

**O VERIFIKACIJI ODLUKE O DODJELI PLAKETE
KANTONA SARAJEVO**

I

Skupština Kantona Sarajevo verifikuje Odluku o dodjeli Plakete Kantona Sarajevo, Specijalnoj Olimpijadi Bosne i Hercegovine, kao priznanje za postignute uspjehe i rezultate na državnim i međunarodnim takmičenjima, te doprinos razvoju i promociji sporta na području Kantona Sarajevo i afirmaciji države Bosne i Hercegovine.

II

Ova odluka objavit će se u "Službenim novinama Kantona Sarajevo".

Broj 01-05-14805/17
10. aprila 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.